

《邶風·柏舟》

《毛詩序》：

《柏舟》。言仁而不遇也。衛頃公之時。仁人不遇。小人在側。

原文：

汎彼柏舟。亦汎其流。
耿耿不寐。如有隱憂。
微我無酒。以敖以遊。

我心匪鑿。不可以茹。
亦有兄弟。不可以據。
薄言往愬。逢彼之怒。

我心匪石。不可轉也。
我心匪席。不可卷也。
威儀棣棣。不可選也。

憂心悄悄。愠于群小。
覲閔既多。受侮不少。
靜言思之。寤辟有標。

日居月諸。胡迭而微。
心之憂矣。如匪澣衣。
靜言思之。不能奮飛。

柏舟 五章 章六句